

ՀԱՆՐԱՊԵՏՈՒԹՅՈՒՆ ԿՈՒՍԱԿՑՈՒԹՅՈՒՆ

HANRAPETUTYUN PARTY

ՀԿ , HP

ՀԱՆՐԱՊԵՏՈՒԹՅՈՒՆ ԿՈՒՍԱԿՑՈՒԹՅԱՆ ՎԱՂԱՐՇԱՊԱՏ ԽՈՇՈՐԱՑՎԱԾ ՀԱՄԱՅՆՔԻ ՆԱԽԸՆՏՐԱԿԱՆ ԾՐԱԳԻՐ

<<ՀԱՆՐԱՊԵՏՈՒԹՅՈՒՆ >> ԿՈՒՍԱԿՑՈՒԹՅԱՆ ՎԱՂԱՐՇԱՊԱՏ ԽՈՇՈՐԱՑՎԱԾ ՀԱՄԱՅՆՔԻ
ԶԱՐԳԱՑՄԱՆ ՀՆԳԱՄՅԱ ՆԱԽԸՆՏՐԱԿԱՆ ԾՐԱԳԻՐ(2025-2030 թթ)

Ծրագրի հիմքում ընկած են համայնքի առջեւ ծառացած խնդիրները , որոնք պահանջում են
ԱՐԱԳ լուծում ՆԵՐԿԱՅՈՒՄ,
Պահանջում են ԱՆՑՅԱԼԻ վերանայում եւ գնահատականներ ,
Պահանջում են ռազմավարական հստակություն ԱՊԱԳԱՅԻ համար:



Ծրագրի սխեման `մարտահրավեր -կարճաժամկետ (արագ) լուծում -երկարաժամկետ(
կայուն) լուծում հաջորդականությունն է :



Հիմնական ռազմավարական ուղղություն`
Բուն Էջմիածին քաղաքի + Զվարթնոց ,Ոսկեհատ , Խոյ համայնքի 17 `Աղավառտուն, Ամբերդ,
Այգեշատ, Արագած, Արշալույս, Գեղակերտ, Դաշտ, Դոդս, Լեռնամերձ, Ծաղկալանջ, Ծաղկունք,
Ծիածան, Հայթաղ, Հովտամեջ, Մոնթեպան (Շահումյան Թ/Ֆ), Մրգաստան և Շահումյան
բնակավայրերի խոշորացման հետեւանքով առաջ եկած բազմաշերտ խնդիրները վերհանելու
,կառավարելու եւ լուծելու,համայնքապետարանի գերծանրաբեռնվածությունը խոշորացման
հետեւանքով նվազեցնելու համար համայնքապետի անձնական ենթակայության տակ ստեղծել
<<Համայնքի խոշորացման խնդիրները կարգավորող ժամանակավոր կոմիտե >> :



Համայնքի գլխավոր մարտահրավերը համարում ենք կոռուպցիան :

Մեր թիմը , համայնքապետարանի կառավարումը ստանձնելու պարագայում անմիջապես
ստեղծելու է `



<<Համայնքային որոշումների մոնիթորինգի և վերլուծության հանձնաժողով>>,որը
վերլուծության է ենթարկելու վերջին 20 տարվա ավագանու նիստերի որոշումներն ու
արձանագրությունները :



Հանրայնացվելու են բոլոր այն որոշումները, որոնք ունեն սոցիալ-տնտեսական մեծ
ազդեցություն , կամ քաղաքական -հասարակական հնչեղություն (օր.` համայնքապետական
հողերի վաճառքը, շինարարական թույլտվությունները, համայնքային ունեցվածքի
տնօրինումը, ներկայումս եկեղեցապատկան համարվող, բայց անմշակ ու անխնամ թողնված
տարածքների օտարման իրավաչափությունը եւ այլն):



Ներգրավելու ենք անկախ փորձագետներ մոնիթորինգի գործընթացին:



Հրապարակելու ենք տարեկան հաշվետվություն մոնիթորինգի արդյունքների վերաբերյալ:



Ստեղծելու ենք ավագանու ենթակառույց`

<<Համայնքային որոշումների վերահսկողության և թափանցիկության հատուկ հանձնաժողով>>,որի կազմում կլինեն ավագանու անդամներ, անկախ իրավաբաններ, հաշվապահներ , հասարակական ներկայացուցիչներ:



Բացահայտելու ենք համայնքային շահի ոտնահարումները , հնարավոր խոշոր չարաշահումները, շահերի բախումները, ոչ նպատակային ծախսեր:



Թափանցիկ ենք դարձնելու համայնքի գույքի, հողերի և ֆինանսների կառավարման գործընթացը:



Վերականգնելու ենք կորսված հանրային վստահությունը համայնքային կառավարման նկատմամբ:



Ստեղծելու ենք <<Քաղաքաշինական վերահսկողության և օրինականացման վարչություն>> հաստատելու համար քաղաքաշինական կարգուկանոն , Ապօրինի շինությունների հարցը լուծվելու է ոչ թե պատժողական ,այլ արդարացի , համակարգային , փուլային մոտեցմամբ :

Լինելու է թափանցիկություն և կանխատեսելիություն շինարարական ոլորտում:

Մեր թիմի կառավարման դեպքում գործելու է



<<Կոռուպցիայի կանխարգելման եւ կոռուպցիոն ռիսկերի կառավարման գրասենյակ >> ,որը պարտավոր կլինի տարեկան հրապարակել հակակոռուպցիոն հաշվետվություն և առաջարկություններ ավագանու համար:

Ամեն վեց ամիսը մեկ համայնքապետը հրավիրելու է բաց ասուլիս , հրավիրելու է մեդիայի ներկայացուցիչներին, պատասխանելու է համայնքի զարգացման եւ խնդիրների վերաբերյալ բոլոր հարցերին:

Գործարկվելու է `



<<Վաղարշապատի բաց բյուջե >> հարթակը համայնքի բյուջեի մուտքերի ու ելքերի(եկամուտներ /ծախսեր) ամբողջական հրապարակմամբ եւ



<<Բաց նամակ համայնքապետին>> համակարգը , որի միջոցով քաղաքացիները կկիսվեն իրենց բողոքներով եւ առաջարկություններով :



Մարտահրավերը `աշխատատեղերի պակաս , տնտեսական կանգ

✓ Համայնքում գործելու է <<Համայնքապետարանին կից ներդրումային գրասենյակ>>,որտեղ կներկայացվի ազատ հողատարածքները ,արտադրամասերը , շենքերը ,կկազմվեն ներդրումային ծրագրեր ,կկատարվեն շուկայի ուսումնասիրություն,իրավական խորհրդատվություն, ռիսկերի գնահատում , համայնքի բնակիչների վերապատրաստման ծրագրեր ,կկազմվեն անվճար <<ստարտ-ափ>> ծրագրեր մանր եւ միջին բիզնեսի սկսնակների համար :



Համայնքը պիտի գործի

<<ներդրումը =աշխատատեղ>> սկզբունքով , այսինքն նախապատվություն պիտի տա այն ներդրողին, ով նվազագույնը 5 նոր աշխատատեղ կստեղծի համայնքի բնակիչների համար :



Ներդրողների համար պիտի նվազեցվի վարչարարությունը,ավելորդ թղթաբանությունը,գործեն հարկային եւ այլ արտոնություններ:



Մարտահրավեր ` Ենթակառուցվածքների մաշվածություն



Կատարել ենթակառուցվածքների մաշվածության գնահատում ,



Ենթակառուցվածքների մաշվածության փուլային կարգավորում ,



Խնդիրներին տալ կարճաժամկետ, օպերատիվ լուծումներ, ապա ` երկարաժամկետ կայուն լուծումներ:



Օր. ` Ջրամատակարարում եւ կոյուղի
Հին ջրագծեր, խափանումներ, որակի խնդիր



Կարճաժամկետ լուծում ` հանգույցների և խափանված հատվածների վերանորոգում,



Երկարաժամկետ լուծում ` արդիականացման ծրագրեր ամբողջ քաղաքում, նոր ջրագծերի կառուցում, ջրի մատակարարման ավտոմատացված հսկողություն, թարմ ջրի և կոյուղու հոսքերի թեստավորում և թարմացում՝ ջրի որակի վերահսկմամբ:



Ճանապարհային(տրանսպորտային ցանց)



Կարճաժամկետ լուծում ` առաջնահերթ փողոցների վերանորոգում, գլխավոր փողոցների, բնակավայրերի ներսի և գյուղական ճանապարհների վերանորոգում և ասֆալտապատում, հանրային տրանսպորտի երթուղիների օպտիմալացում, նոր երթուղային գծեր՝ մարզական և կրթական կենտրոնների հանգուցմամբ:



Երկարատեւ լուծում ` նոր ճանապարհային նախագիծ ` սմարթ սիթի(խելացի քաղաք) տրամաբանությամբ , հանրային տրանսպորտի քանակի եւ սպասարկման խնդրի լուծում Էկո սիթի (Էկոլոգիական քաղաք) տրամաբանությամբ:

Լուսավորություն



Կարճաժամկետ լուծում ` փոխարինել ոչ աշխատող լույսերը Էներգախնայող LED լուսատուներով,

Վերականգնել կամ ավելացնել լուսավորությունը մանկական հրապարակներում, զբոսայգիներում և հասարակական կենտրոններում:

Տեղադրել ժամանակավոր արևային լուսատուներ փողոցներում և հանրային տարածքներում՝ ծախսերի կրճատման նպատակով:



Երկարաժամկետ լուծում ` Smart Lighting համակարգի ներդրում (ամբողջական լուսավորության խելացի համակարգ):



Մարտահրավեր ` Թափառող շներ



Կարճաժամկետ լուծում ` կատարել բոլոր թափառող շների վակցինացիա, ախտահանություն և վնասագերծում՝ բռնության բացառմամբ:

Ստեղծել բազա՝ կերակրման և առողջության հսկողության համար: Թափառող շների ժամանակավոր պահեստավորում :



Երկարաժամկետ լուծում՝

Ստեղծել կայուն և ժամանակակից շների ապաստան, որտեղ կենդանիները կստանան խնամք ,իսկ հնարավորության դեպքում կվաճառվեն կամ կմատակարարվեն սոցիալական ընտանիքների:

Ապահովել միկրոչիպավորում և գրանցում, որպեսզի բոլոր շները լինեն հաշվառված ,իսկ աճի դինամիկան վերահսկելի :



Մարտահրավեր՝ Համայնքի անվտանգություն



Ավելացնել համայնքային ոստիկանության և պարեկային ծառայությունների տեսանելիությունը:



Տեղադրել թվային կառավարվող տեսախցիկների ցանց, որոնք կապահովեն արագ արձագանք ոստիկանության հետ:



Միասնական տեսահսկման համակարգ , համայնքապետ-համայնքային ոստիկանություն համագործակցության իրացում :



Մարտահրավեր՝ առողջապահական խնդիրներ Հիմնական լուծում՝



Կայուն համայնքային առողջապահական համակարգ՝ Էլեկտրոնային հիվանդանոցային գրանցումներ, հեռաբժշկություն և հանրային առողջության մոնիթորինգ:



Նոր բժշկական կենտրոնների և գյուղական բուժկետերի կառուցում, որոնք ապահովված են ժամանակակից տեխնիկայով:



Կայուն մոբայլ բուժկետային ցանց գյուղական բնակավայրերում:



Մարտահրավեր՝
կրթություն-մշակույթ-տուրիզմ ,
Համատեղում եւ զարգացում



Համայնքը ընդգրկել համաշխարհային կրթական, մշակութային և զբոսաշրջային ցանցերին:



Ստեղծել կենտրոններ՝ կրթության առանձնահատուկ պայմանների կարիք ունեցող երեխաների եւ նրանց ծնողների աջակցության համար ,որտեղ երեխաները կստանան անհրաժեշտ մասնագիտական օգնություն , ծնողները՝ հոգեբանական , մարդկային , ֆիզիկական աջակցություն , ներառական ծնողավարման մասին անվճար խորհրդատվություն:



Նոր մշակութային կենտրոնների և ստուդիաների կառուցում, որոնք կներառեն երաժշտական, գեղարվեստական և թատերական կորպուսներ :



Մշակութային ժառանգության թվայնացում՝ առցանց ցուցադրություններ և կրթական հարթակներ ստեղծելով:



Մարտահրավեր ` կանաչ տարածքների/այգիների պակաս



Կարճատեւ լուծում ` հիմնական այգիների և զբոսայգիների վերանորոգում (նստարաններ, լուսավորություն, աղբաման տարրական էլեմենտներով) ,



Քաղաքային փողոցների և թաղամասերի ծառատունկ՝ արագ գործող, տեղական կլիմային հարմարված տեսակներով:



Հասարակական մասնակցություն՝ համայնքային ծառատունկի կամ հողագործական փոքր նախագծերի միջոցով:



Երկարաժամկետ լուծում `

Նոր կանաչ տարածքների և այգիների կառուցում՝ երեխաների և երիտասարդների համար խաղահրապարակներով, սպորտային և ժամանցային վայրերով:



Կանաչ գոտիների և զբոսայգիների ինտեգրումը Smart City լուծումների հետ՝ Էկո-հսկողություն, սենսորներով ջրմուղ- համակարգ և լուսավորության ավտոմատացում ՝ հիմքում ունենալով եվրոպական մի շարք խելացի քաղաքների մոդելը :



Մարտահրավեր ` ժամանցային վայրերի մտահոգիչ պակաս



Կարճատեւ լուծում ` վերանորոգել գործող զբոսայգիները, խաղահրապարակները և մարզադաշտերը:



Տեղադրել բազմաֆունկցիոնալ սարքավորումներ՝ սպորտային և խաղային տարածքներում:



Հասարակական մշակութային միջոցառումներ՝ բացօթյա կինոէկրաններ, համերգներ և արվեստի ցուցադրություններ:



Երկարաժամկետ լուծում ` նոր ժամանցի համալիրների կառուցում՝ ներառելով երիտասարդների, երեխաների և ընտանիքների համար բազմաֆունկցիոնալ տարածքներ:



Smart City ինտեգրացիա՝ թվային վահանակներ և հավելվածներ, որոնք տեղեկացնում են միջոցառումների, ժամանցի վայրերի և երթուղիների մասին:



Հիմնական ռազմավարական ուղղություն

Էջմիածինը դարձնել Հայաստանի Հանրապետության առաջին խելացի -Էկոլոգիական քաղաքը ՝ փոկային լուծումների տարբերակով

▼ Արևային պանելներ՝ վարչական շենքերի , համայնքապատկան այլ շենքերի եւ դպրոցների տանիքներին,

▼ Կանաչ տրանսպորտային ցանց՝ հեծանվային ուղիների ստեղծում, Էլեկտրական ավտոբուսների ձեռքբերման մեկնարկ , ինչպես նաեւ Էլեկտրոմոբիլների լիցքավորիչ-կայանների շարունակական տեղադրում

▼ Զաղաքային կանաչ գոտիների ընդլայնում՝ ամեն տարի `<<մեկ մարդ +1 ծառ>> սկզբունքով ,

▼ Չբուսաշրջային սմարթ ուղեցույցներ՝ պատմական վայրերի համար :

▼ Խելացի կայանման համակարգ հատուկ հավելվածի միջոցով:

▼ Օդի աղտոտվածության համար խելացի սենսորների տեղադրում ամբողջ համայնքում օդի որակի մշտական չափման համար,

▼ Հեծանվային և Էլեկտրական սկուտերների վարձույթ՝ ներքաղաքային միկրոմոբիլության համար:



Մարտահրավերների առաջ երբեք չենք ծնկելու , որովհետեւ ամեն ինչ ԼԱՎԱ ԼԻՆԵԼՈՒ...



**ՀԱՆՐԱՊԵՏՈՒԹՅՈՒՆ ԿՈՒՍԱԿՑՈՒԹՅԱՆ
ՂԵԿԱՎԱՐ՝ ԱՐԱՄ ՍԱՐԳՍՅԱՆ**